

四庫全書

集部

欽定四庫全書

集部

石倉歷代詩選卷七十一

詳校官庶吉士臣范逢恩

侍讀臣孫球覆勘

總校官進士臣朱 鈐

校對官中書臣高 中

謄錄監生臣王 耘

欽定四庫全書

石倉歷代詩選卷七十

中唐二十四

姚合

陝州人

寄楊茂卿校書

去年別君時同宿黎陽城
黃河凍欲合船入冰罅行
君為使滑州我來西入京
丈夫不泣別傍人嘆無情
到京

就省試落籍先有名還家豈無路羞為路人輕決心住
城中百敗望一成腐草衆所棄猶能化為螢豈我愚暗
身終久不發明所悲道路長親愛難合并安得如白日
遠見君儀形

寄主客張郎中

年長方慕道金丹事參差故園歸未得秋風思難持蹇
拙公府棄朴靜高人知以我齊杖履昏旭詎相離吟詩
紅葉寺對酒黃菊籬所賞未及畢後遊良有期繁繁華

省步屑屑旅客姿未同山中去固當殊路岐

寄狄拾遺時為魏州從事

少在兵馬間長還繫戎職難飛不得遠豈要生羽翼三
年城中游與君最相識應知我中腸不苟念衣食主人
樹勲名欲滅天下賊愚雖乏智謀願陳一人力人生須
氣健飢寒困不得寐當一席寬覺乃千里穿古人不懼
死所懼死無益至交不可合一合難離圻君嘗相勸勉
苦語毒胸臆百年心共聞誰限河南北

秋中寄崔道士

貧居雀喧噪况乃靜巷陌夜眠睡不成空庭聞露滴傍
有一杯酒歡然如對客月光久逾明照見室中白平生
志舒豁難可似茲夕四肢得自便雖勞不為役故人山
中住善治身心策五穀口不嘗比僧更閒寂我今暫得
安目謂脫幽戚君身長逍遙日月爭老得

寄賈島浪仙

悄悄掩門扉窮窘自維繫世途已昧履生計復乖緝踈

我非常性端峭爾孤立往還縱云久貧寒豈自習所居
率荒野寧似在京邑院落夕彌空蟲聲雁相及衣巾半
僧施蔬藥常自拾凜凜寢席單翳翳竈煙濕頽籬里人
度敗壁鄰燈入曉思已暫舒暮愁還更集風淒林葉萎
苔糝行徑澁海嶠誓同歸橡栗充朝給

所居秋夕寄李廓

羈滯多共趣屢屢同室眠稍暇更訪詣寧惟候招延愧
君備蔬藥識我性所便罷吏童僕去灑掃或自專古巷

人易息踈迥自江邊幸當中秋夕復此無雲天月華更
漏清露葉光彩鮮四鄰亦悄悄中懷益纏綿茲境罕能
致居閒得彌偏數盃罷復飲共想山中年

莊居野行

客行野田間比屋皆閉戶借問屋中人盡去作商賈官
家不稅商稅農復作苦居人盡東西道路侵隴畝採玉
上山顛探珠入水府邊兵索衣食此物同泥土古來一
人耕三人食猶飢如今千萬家無一把鋤犂我倉常空

虛我田生蒺藜上天不雨粟何由活蒸黎

題宣義池亭

春入池亭好風光暖更鮮尋芳行不極
逐勝坐還遷細草亂如髮幽禽鳴似絃
苔文翻古篆石色學秋天花落能漂酒
萍開解避船暫來還差疾久住合成仙
迸筍揩堦起垂藤壓樹偏此生應借看
自計買無錢

送裴中丞赴華州

我夢何曾應看君渡滄川自無仙掌分
非是聖心偏徑

草多生藥庭花半落泉人間有此郡況在鴈城邊

送宋慎言

童稚便知聞如今祇有君百篇詩盡和一盞酒須分驛
路多連水州城半在雲離情同落葉向晚更紛紛

送右司薛員外赴處州

懷中天子書腰下使君魚瀑布和雲落仙都與世疎遠
程兼水陸半載在舟車相送難為別南風入夏初

送殷堯藩侍御遊山南

詩境西南勝秋深晝夜蛩人家連水影驛路在山峰地
靜雲生石天寒雪覆松我為公府繫不得此相逢

送潘傳秀才歸宣州

李白墳三尺嵯峨萬古名因君還故里為我弔先生晴
日移虹影空山聚鶴聲老郎閒未得無計此中行

送韋瑤校書赴越

寄家臨禹穴乘傳出秦關霜落橘滿地潮來帆近山相
門賓益貴水國事多閒晨省高堂後餘歡盃酒間

送清靜閣黎歸浙西

大地無生理
吳中豈是歸
自翻貝葉偈
人施福田衣
夏盡灘聲出
潮來日色微
郡齋師去後
寂寞夜吟稀

送馬戴下第客遊

昨來送君處
亦是九衢中
此日殷勤別
前時寂寞同
鳥啼寒食雨
花落暮春風
向晚離人起
筵收盞未空

寄陸渾縣尉李景先

薄俸還同請
惟君獨自閒
地偏無驛路
藥賤管仙山
月

色生松裏泉聲在石間吟詩復飲酒何事更相關

郡中書事寄默然上人

郡中饒野興過客亦淹留看月江樓曉尋山石徑秋
竟歸何處老誰免此生愁長愛東林子安禪百事休

寄李頻

閉門常不出惟覺長庭莎朋友來看少詩書臥讀多
命隨才共薄愁與醉相和鄭重君名字新登甲乙科

寄賈島

寂寞荒原下南山祇隔離家貧惟我竝詩好復誰知草
色無窮處蟲聲少歇時朝昏鼓不到閒臥益相宜

寄無可上人

十二門中寺詩僧寺獨幽多年松色別後夜磬聲秋見
世慮皆盡來生事更修終須執瓶鉢相逐入牛頭

寄友人

日暮掩重扉抽簪復解衣漏聲林下靜螢色月中微秋
露露華結夜深人語稀殷勤故山路誰與我同歸

贈常州院僧

一住毗陵寺師應祇信緣院貧人施食臆靜鳥窺禪古
磬聲難盡秋燈色更鮮仍聞開講日湖上少魚船

武功縣中作二首

日出方能起庭前看種莎更來山鳥散酒熟野人過岐
路荒城少煙霞遠縣多同官數相引下馬上西坡

朝朝眉不展多病怕逢迎引水遠通澗壘山高過城秋
燈照樹色寒雨落池聲好是吟詩夜披衣坐到明

閒居

不自識疎鄙終年住在城
過門無馬跡滿宅是蟬聲
帶病吟雖苦休官夢已清
何當學禪觀依止古先生

揚州春詞二首

廣陵寒食天無露復無煙
暖日凝花柳春風散管絃
園林多是宅車馬少於船
莫喚遊人住遊人困不眠

滿郭是春光街衢上亦香
竹風輕履舄花露膩衣裳
谷鳥鳴還艷山夫到亦狂
可憐遊賞地煬帝國傾亡

題李頻新居

賃居求勝處，深僻任人嫌。
葢地花如繡，當門竹勝簾。
勸僧嘗藥酒，教僕辦書簽。
庭際山宜小，休令著石添。

過天津橋晴望

閒立津橋上，寒光動遠林。
皇宮對嵩頂，清洛貫城心。
雪路初晴出，人家向晚深。
自從王在鎬，天寶至今今。

暮春書事

窮巷少芳菲，蒼苔一徑微。
酒醒聞客別，年長送春歸。
宿

願眠雲嶠浮名繫鑠闌未因丞相庇難得脫朝衣

九日憶硯山舊居

帝里閒人少誰同把酒杯硯山籬下菊今日幾枝開
曉角驚眠起秋風送病來長年歸思切更值雁聲催

除夜

衰殘歸未遂寂寞此宵情舊國當千里新年隔數更
寒猶近北峭風漸向東生誰見長安陌晨鐘度火城

吟詩臺

幽島蘚層層詩人日日登坐危石是榻吟冷唾成冰靜
對惟秋水同來只老僧竹枝題寄處小篆復誰能

竹裏徑

一徑嬋娟裏惟聞靜者知跡深苔長處步狹笋生時高
是連幽樹窮應到曲池紗巾靈壽杖行樂復相宜

遊終南山

策杖度溪橋雲深步數勞青猿吟嶺際白鶴坐松梢天
外浮煙遠山根野水交自緣名利繫好此結蓮茆

早夏郡樓宴集

官散有閒情登樓步稍輕
牕雲帶雨氣林鳥雜人聲
曉日襟前度微風酒上生
城中會難得掃壁各書名

郡中西園

西園春欲盡芳草徑難分
靜語惟幽鳥閒眠獨使君
密林生雨氣古石帶潮文
雖去清秋遠朝朝見白雲

酬李廓精舍南臺望月見寄

看月空門裏詩家境有餘
露寒僧梵出林靜鳥巢疎
遠

色當秋半清光勝夜初獨無臺上思寂寞守吾廬

喜賈島雨中訪宿

雨裏難逢客閒吟不復眠蟲聲秋併起林色夜相連愛
酒此生裏趨朝未老前終須攜手去滄海棹魚船

送友人遊蜀

送君一壺酒相別野庭邊馬上過秋色舟中到錦川峽
猿啼夜雨蜀鳥噪晨煙莫便不回首風光從幾年

寄永樂長官殷堯藩

故人為吏隱高臥簿書間
遶院惟栽藥逢僧只說山
此宵歡不接窮歲信空還
何計相尋去嚴風雪滿關

寄蔡州蔣亭蕪簡田使君

幾歲亂軍裏蔣亭名不銷
無人知舊徑有藥長新苗
樹宿山禽靜池通野水遙
何因同此醉永望思蕭條

山居寄友生

獨在山阿裏朝朝遂性情
曉泉和雨落秋草上墻生
因客始沽酒借書方到城
詩情聊自遣不是起聲名

武功縣中作

縣去帝城遠為官與隱齊
馬隨山鹿放雞雜野禽棲
遶舍惟藤架侵堦是藥畦
更師嵇叔夜不擬作書題

守拙天然性為官是事踈
惟尋向山路不寄入城書
因病多收藥緣溪學釣魚
養身成好事此外更空虚

微官如馬足祇是在泥塵
到處貧隨我終年老起人
薄書銷眼力盃酒耗心神
早作歸休計深幽樂此身

客至皆相笑詩書滿臥牀
愛閒求病暇因醉與官妨
髩

髮寒惟短衣衫瘦漸長自嫌多簡束不似舊來狂
鄰里皆相愛門開數見過秋涼送客遠夜靜詠詩多就
架題書目尋欄記藥案到官無別事種得滿庭莎

窮達天應與人間事莫論微官從似客遠縣豈勝村竟
日多無食連宵不閉門齋心調筆硯惟寫五千言

作吏荒城裏窮愁欲不勝病多惟識藥年老漸親僧夢
覺空堂月詩成滿硯冰故人多得路寂寞不相稱

題杭州南亭

舊隱即雲林思歸日日深如今來此地無復有前心古
石生靈草長松栖異禽暮潮簷下過濺浪濕衣襟

和裴令公遊南莊憶白二十韋七二賢客

四郊初雨歇高樹滴猶殘池滿紅蓮濕雲收綠野寬花
開半山曉竹動數村寒聞雀翻衣袂驚魚觸釣竿樽前
多野客膝下盡郎官斲石通泉脉移松出藥欄關東分
務重天下似公難半醉思韋白題詩染彩翰

送崔玄亮赴果州冬夜宴韓卿宅

蘭燭照重茵飛盃復幾分
主人寒不寢上客曉離羣
騎吏緣青壁旌旗度白雲
劔銘生蘚色巴字疊冰文
華省思仙侶疲民愛使君
泠泠惟自適郡邸有誰聞

題山寺

千重山崦裏樓閣影參差
未暇尋僧院先看置寺碑
竹深行漸暗石穩坐多時
古塔蟲蛇善陰廊鳥雀癡
雲開開上界近泉落下方
遲為愛青桐葉題滿樹詩

送劉禹錫郎中赴蘇州

州城全是故吳宮
香徑難尋古蘚中
雲水計程千里遠
軒車送別九衢空
鶴聲高下聽無盡
潮色晨昏望不同
太守吟詩人自理
小齋閒臥白蘋風

送林使君赴邵州

詔書飛下五雲間
才子分符不等閒
驛路算程多是水
州圖管地少於山
岡頭斑竹尋應遍
洞裏丹砂自採還
清淨化人人自理
終朝無事更相關

送別友人

獨向山中覓紫芝山人勾引住多時
摘花浸酒春愁盡
燒竹煎茶夜臥遲
泉落林梢多碎滴
松生石底足傍枝
明朝却欲歸城市
問我來時總不知

送僧貞實歸杭州天竺

石橋菴裏最清涼
聞說茆菴寄上方
林外猿聲連院磬
月中潮色到禪牀
他生念我身何在此
世惟師性亦忘
九陌相逢千里別
青山重疊樹蒼蒼

寄東都白賓客居易

闕下高眠過十旬
南宮印綬乞離身
詩中得意應千首
海內嫌官只一人
賓客分司真是隱
山泉遶宅豈辭貧
竹齋晚起多無事
惟到龍門寺裏頻

杭州官舍偶書

錢塘刺史謾題詩
貧福無恩懦少威
春盡酒杯花影在
潮迴畫檻水聲微
閒吟山際邀僧上
暮入林中看鶴歸
無術理人人自理
朝朝漸覺簿書稀

送源中丞赴新羅

赤墀賜對使殊方
官重霜臺紫綬光
玉節在船清海怪
金函開詔拜夷王
雲晴漸覺山川異
風便那知道路長
誰得似君將雨露
海東萬里灑扶桑

賞春

閒人祇是愛春光
迎得春來喜欲狂
買酒怕遲今走馬
看花嫌遠自移牀
嬌鶯語足方離樹
戲蝶飛高始過墻
顛倒醉眠三數日
人間百事不思量

秋中夜坐

踈散永無事不眠常夜分月中松露滴風引鶴同聞

老馬

臥來扶不起惟向主人嘶惆悵東郊道秋來雨作泥

古碑

荒田一片石文字滿青苔不是逢閒客何人肯讀來

太尉李德裕自城外拜辭後歸弊居瞻望音徽
即書一絕寄上

千騎紅旗不可攀水頭獨立暮方還人家怪我渾如病

樽酒休傾筆硯閒

和前吏部韓侍郎夜泛南溪

辭得官來疾漸平
世間難有此高情
新秋月滿南溪裏
引客乘船處處行

送賈島及鐘渾

日日攻詩亦自强
年年供應在名場
春風驛路歸何處
紫閣山邊是草堂

石倉歷代詩選卷七十

欽定四庫全書

石倉歷代詩選卷七十一

明 曹學佺 編

中唐二十五

李賀

字長吉
隴西人

還自會稽歌

并序

庾肩吾於梁時嘗作宮體謠引以應和皇子及國世
淪敗肩吾先潛難會稽後始還家僕意其必有遺文

今無得馬故作還自會稽歌以補其悲

野粉椒壁黃濕螢滿梁殿臺城應教人秋衾夢銅輦吳
霜點歸鬢身與塘蒲晚脉脉辭金魚羈臣守屯賤

同沈駙馬賦得御溝水

入苑日泱泱宮人正靨黃遶堤龍骨冷拂岸鴨頭香別
館驚殘夢停杯泛小觴幸因流浪處暫得見何郎

長歌續短歌

長歌破衣襟短歌斷白髮秦王不可見旦夕成內熱渴

飲壺中酒飢投隴頭粟淒淒四月蘭千里一時綠夜峰
何離離明月落石底徘徊沿石尋照出高峰外不得與
之遊歌成鬢先改

難忘曲

夾道開洞門弱柳低畫戟簾影竹華起簫聲吹日色蜂
語繞粧鏡拂蛾學春碧亂繫丁香梢滿欄花向夕

賈公問貴婿曲

朝衣不須長分花對袍縫嚶嚶白馬來滿腦黃金重今

朝香氣苦珊瑚澁難枕且耍弄風人暖蒲沙上飲燕語
踏簾鉤日虹屏中碧潘令在河陽無人死芳色

昌谷詞

昌谷五月稻細青滿平水遙巒相壓疊頽綠愁墮地光
潔無秋絲涼曠吹浮媚竹香滿淒寂粉節塗生翠草髮
垂恨鬢光露泣幽淚層圍爛洞曲芳徑老紅醉攢蟲鏤
古柳蟬子鳴高遼大帶委黃葛紫蒲交狹溪石錢差復
藉厚葉皆蟠膩汰沙好平白立馬印青字晚鱗自遨遊

瘦鵠暝單跼嘹嘹濕姑聲咽源驚濺起紆緩玉真路

近武

后處幸處

神娥蕙花裏苔絮紫澗磔山實垂頰紫小柏儼重

扇肥松突丹髓鳴流走響韻壠秋拖光秘鶯唱閨女歌
瀑懸楚練帔風露筴眼駢巖雜舒墜亂篠迸石嶺細頸
喧島步日脚掃昏翳新雲啟華閤謚謚厭夏光商風道
清氣高眠復玉容燒桂祀天几霧衣夜披拂眠壇夢真
粹待駕棲鸞老故宮椒壁圯鴻瓏數鈴響羈臣發涼思
陰藤束朱鍵龍帳著魑魅碧錦帖花檉香衾事殘貴歌

塵蠹木在舞綵長雲似珍壤割綉段里俗祖風義鄰凶
不相杵疫病無邪祀鮎皮識仁惠卯角知醜恥縣省司
刑官戶乏詬租吏竹藪添墮簡石磯引釣餌溪灣轉水
水帶芭蕉傾蜀紙岑光晃穀襟孤景拂繁事泉樽陶宰
酒月眉謝郎妓丁丁幽鐘遠矯矯單飛至霞巘殷嵒嵒
危溜聲爭次淡蛾流平碧薄月眇陰悴涼光入澗岸廓
盡山中意漁童下宵網霜禽竦烟翅潭鏡滑蛟涎浮珠
噉魚戲風桐瑤匣瑟螢星錦城使柳綴長縹帶篴簫短

笛吹石根綠
綠蘚蘆筍抽
丹漬漂旋弄
天影古檜擎
雲臂愁月微
帳紅罨雲香
蔓刺芒麥平
百川閒乘列
千肆刺促成
紀人好學鷗
夷子

摩多樓子

玉塞去金人
二萬四千里
風吹沙作雲
一時渡遼水
天白水如練
甲絲雙串斷
行行莫苦辛
城月猶殘半
曉氣朔煙上
越起胡馬蹄
行人臨水別
隴頭長東西

綠水詞

今宵好風月阿侯在何處為有傾城色翻成足愁苦東
湖採蓮葉南湖拔蒲根未持寄小姑且持感秋魂

送韋仁實兄弟入關

送客飲別酒千觴無赭顏何物最傷心馬首鳴金環野
色浩無主秋明空曠間坐來壯膽破斷目不能看行槐
引西道青梢長攢攢韋郎好兄弟疊玉生文翰我山上
舍一畝蒿磽田夜雨呌租吏春聲暗交關誰解念勞勞
蒼突惟南山

莫愁曲

草生龍坡下鴉噪城堞頭何人此城裏城角栽石榴青
絲繫五馬黃金絡雙牛白魚駕蓮船夜作十里游歸來
無人識暗上沉香樓羅牀倚瑤瑟殘月傾簾鉤今日槿
花落明朝桐樹秋莫負平生意何名何莫愁

蜀國絃

楓香晚花靜錦水南山影驚石墜猿哀竹雲愁半嶺涼
月生秋浦玉沙粼粼光誰家紅淚客不忍過瞿塘

蘇小小墓

幽蘭露如啼恨無物結同心煙花不堪贈草如茵松如蓋風為裳水為佩油壁車久相待西陵下風吹雨

南園

小樹開朝逕長茸濕夜煙柳花驚雪浦麥雨漲溪田古剎踈鐘度遙嵐破月懸沙頭馱石火燒竹照魚船

黃頭郎

黃頭郎撈籠去不歸南浦芙蓉影愁紅獨自垂水弄湘

娥珮竹山露月玉瑟調青門石雲濕黃葛沙上靡蕪花
秋風已先發好持掃羅薦香出鴛鴦熱

傷心行

咽咽學楚吟病骨傷幽素秋姿白髮生木葉啼風雨燈
青蘭膏歇落照飛娥舞古壁生凝塵羈魂夢中語

勉愛行送小李之廬山

洛郊無無俎豆獎廐斬老馬小雁過鑪峰影落楚水下
船倚雲泊石鏡秋涼夜豈解有鄉情弄月聊鳴啞

追和何謝銅雀妓

佳人一壺酒秋容滿千里石馬臥新煙憂來何所侶
歌聲且潛弄陵樹風自起長裾壓高臺泪眼看花開

送秦光祿北征

北虜膠堪折秋沙亂曉輦髯胡頻犯塞驕氣似橫霓
水樓船渡營門細柳齊將軍馳白馬豪彥騁金閨箭射
攬槍落旗懸日月低簡稀山易見甲重馬頻嘶天遠星
光沒沙平草葉齊風吹雲路火雪汙玉闌泥

追賦畫江潭苑

吳苑曉蒼蒼宮衣水濺黃小鬟紅粉薄騎馬珮珠長路
指臺城迥羅薰袴褶香行雲霑翠輦今日侶襄王

王濬墓下作

人間無阿童猶唱水中龍白草侵煙死秋藜遶地紅古
書平黑石神劒斷青銅耕勢魚鱗起墳科馬鬣封菊花
垂濕露棘逕臥乾蓮松柏愁香溢南原幾夜風

銅駝悲

落魄三月罷尋花去東家誰作送春曲洛岸悲銅駝橋
南多馬客北山饒古人客飲盃中酒駝悲千萬春生世
莫徒勞風吹盤上燭厭見桃株笑銅駝夜來哭

七月一日曉入太行山

一夕遶山秋香露溼蒙策新橋倚雲阪候蟲新露樸洛
南今已遠越衾誰為熱石氣何淒淒老莎如短鋸

塞下曲

胡角引北風薊門白於水天含青海道城頭月千里露

下旗濛濛寒金鳴夜刻
蕃甲鏖蛇鱗馬嘶青塚白
秋靜見旄頭沙遠席羈愁
帳北天應盡河聲入寒流

嘲雪

昨日發葱嶺今朝下蘭渚
喜從千里來亂笑含春雨
龍沙濕漢旗鳳扇迎秦素
久別遼城鶴毛衣已應故

高平縣東松路

侵侵榭葉香木花滯寒雨
今夕山上秋永謝無人處
石磧遠荒蒞棠實懸辛苦
古者定幽尋呼君作松路

李憑箏篴引

吳絲蜀桐張高秋空山凝雲顏不流江娥啼竹素女愁
李憑中國彈箏篴崑山玉碎鳳凰叫芙蓉泣露香蘭笑
十二門前融冷光二十三絃動紫皇女媧煉石補天處
石破天驚逗秋雨夢入神仙教神嫗老魚跳波瘦蛟舞
吳質不眠倚桂樹露脚斜飛濕寒兔

殘絲曲

垂楊葉老哺鶯兒殘絲欲斷黃蜂歸綠鬢年少金釵客

縹粉壺中沉琥珀花臺欲暮春辭去落花起作迴風舞
榆莢相催不知數沈郎青錢夾城路

雁門太守行

黑雲壓城城欲摧甲光向日金鱗開角聲滿天秋色裏
塞上燕脂凝夜紫半掩紅旗臨易水霜重鼓聲寒不起
報君黃金臺上意提携玉龍為君死

送沈亞之歌

吳興才人怨春風桃花滿陌千里紅紫絲竹斷驄馬小

家住錢塘東復東白藤交穿織書笈短策齊裁如梵英
雄光寶礦獻春卿煙底鷺波乘一葉春卿拾材白日下午
擲置黃金解龍馬攜笈歸江重入門勞勞誰是憐君者
吾聞壯夫重心骨古人三走無摧捽請君待旦事長鞭
他日還轅及秋律

綠章封事

青霓扣額呼宮神鴻龍玉狗開天門石榴花發滿溪津
溪女浣花染白雲綠章封事認元父六街馬蹄浩無主

虛空風氣不清冷短衣小帽作塵土金家香街千輪鳴
揚雄秋室無俗聲願攜漢戟招書鬼休令恨骨填蒿里

貴主征行樂

奚騎黃銅連鎖甲羅旗香幹金畫葉中軍留醉河陽城
嬌嘶紫燕踏花行春營騎將如紅玉走馬梢鞭上空綠
女垣素月角唧唧牙帳未開分錦衣

羅浮山父與葛篇

依依宜織江雨空雨中六月蘭臺風博羅老仙時出洞

千歲石牀啼鬼工蛇毒濃凝洞堂濕江魚不食銜沙立
欲剪箱中一尺天吳娥莫道吳刀澁

宮娃詩

蜩光高懸照紗空花房夜擣紅守宮象口吹香氎氎暖
七星挂城聞漏板寒入呆愚殿影昏彩鸞簾額著霜痕
啼姑吊月鉤欄下屈膝銅鋪鏤阿甄夢入家門上沙渚
天河落處長洲路願君光明如太陽放妾騎魚撇波去

秦宮詩

越羅衫袂迎春風，玉刻麒麟腰帶紅。
樓頭曲宴仙人語，帳底吹笙香霧濃。
人間酒煖春茫茫，花枝入簾白日長。
飛牕複道傳籌飲，十夜銅盤膩燭黃。
禿衿小袖調鸚鵡，紫繡麻韞踏哮虎。
斫桂燒金待晚筵，白鹿清酥夜半煮。
桐英永巷騎新馬，內屋深屏生色畫。
開門爛用水衡錢，卷起黃河向身瀉。
皇天厄運猶曾裂，秦宮一生花裏活。
鸞篋奪得不還人，醉睡氍毹滿堂月。

巫山高

碧叢叢高插天大江翻瀾神曳煙楚魂尋夢風颺然曉
風飛雨生苔錢瑤姬一去一千年丁香筇竹啼老猿古
祠近月蟾桂寒椒花墜紅濕雲間

梁臺古愁

梁王臺沼空中立天河之水夜飛入臺前闔王作蛟龍
綠粉掃天愁露濕撞鐘飲酒行射天金虎蹙裘噴血斑
朝朝暮暮愁海翻長繩繫日樂當年芙蓉凝紅得秋色
蘭臉別春啼脉脉蘆洲客雁報春來寥落野湟秋漫白

江樓曲

樓前流水江陵道
鯉魚風起芙蓉老
曉釵催鬢語南風
抽帆歸來一日功
鼉吟浦口飛梅雨
竿頭酒旗搖青苧
蕭騷浪白雲差池
黃粉油衫寄郎主
新槽酒聲苦無力
南湖一傾菱花白
眼前便有千里愁
小玉開屏見山色
將進酒

琉璃鍾琥珀濃
小槽酒滴真珠紅
烹龍炮鳳玉脂泣
羅屏繡幕圍香風
吹龍笛擊鼉鼓
皓齒歌細腰舞
況是青

春日將暮桃花亂落如紅雨勸君終日酩酊醉酒不到
劉伶墳上土

美人梳頭歌

西施晚夢綃帳寒香鬟墮髻半沉檀輓轡
啞轉鳴玉驚起芙蓉睡新足雙鸞開鏡秋水光解
衆臨鏡立象牀一編香絲雲撒地玉釵落處無聲
膩纖手却盤老鴉色翠滑寶釵簪不得春風爛熳
惱嬌慵十八鬟多無氣力妝成髮髻欹不斜雲裾
數步踏雁沙背人不語向何處

下堦自折櫻桃花

夢天

老兔寒蟾泣天色
雲樓半開壁斜白玉輪
軋露濕團光
鸞珮相逢桂香陌
黃塵清水三山下
更變千年如走馬
遙望齊州九點煙
一泓海水杯中瀉

河南府試十二月樂詞

選六首

正月

上樓迎春新春歸
暗黃著柳宮漏遲
薄薄淡靄弄野姿

寒綠幽風生短絲錦牀晚臥玉肌冷露臉未開對朝暝
官街柳帶不堪折蚤晚菖蒲勝綰結

二月

飲酒採桑津宜男草生蘭笑人蒲如交劒風如薰勞勞
驚燕笑酣春薇帳逗煙生綠塵金翹峨髻愁暮雲沓颺
起舞真珠裙津頭送別唱流水酒客背寒南山死

三月

東方風來滿眼春花城柳暗愁殺人複宮深凝竹風起

新翠舞衿淨如水光風轉蕙百餘里暖霧馳雲撲天地
軍裝宮妓掃蛾淺搖搖錦旗夾城暖曲水飄香去不歸
梨花落盡成秋苑

四月

曉涼暮涼樹如蓋千山濃綠生雲外依微香雨青氛氲
賦葉蟠花照曲門金塘閒水搖碧漪老景沉重無驚飛
墮紅殘萼暗參差

九月

離宮散螢天似水竹黃池冷芙蓉死月綴金鋪光脉脉
涼苑虛庭空澹白露花飛飛風草草翠錦爛斑滿層道
鷄人罷唱曉瓏璵鴟啼金井下疎桐

十月

玉壺銀箭稍難傾缸花夜笑凝幽明碎霜斜舞上羅幕
燭龍兩行照飛閣珠帷怨臥不成眠金鳳刺衣著體寒
長眉對月閨鸞環

天上謠

天河夜轉漂迴星銀浦流雲學水聲玉宮桂樹花未落
仙妾採香垂珮纓秦妃卷簾北牕曉牕前植桐青鳳小
王小吹笙鵝管長吁龍耕煙種瑤草粉霞紅綬藕絲裙
青洲步拾蘭苔春東指羲和能走馬海塵新生石山下

浩歌

南風吹山作平地帝遣天吳移海水王母桃花千遍紅
彭祖巫咸幾迴死青毛驄馬參差錢嬌春楊柳含細煙
箏人勸我金屈卮神血未凝身問誰不須浪飲丁都護

世上英雄本無主
買絲繡作平原君
有酒惟澆趙州土
漏催水咽玉蟾蜍
衛娘髮薄不勝梳
看見秋眉換新綠
二十男兒那刺促

帝子歌

洞庭帝子一千里
涼風雁啼天在水
九節菖蒲石上死
湘神彈琴迎帝子
山頭老桂吹古香
雌龍怨吟寒水光
沙浦走馬白石郎
閒取真珠擲龍堂

洛妹真珠

真珠小娘下青郭洛苑香風飛綽綽寒髻斜釵玉燕光
高樓唱月懸懸瑞蘭風桂露洒幽翠紅絃裊雲咽深思
花袍白馬不歸來濃蛾疊柳香唇醉金鵝屏風蜀山夢
驚裾鳳帶行煙重八驄籠晃臉差移日絲繁散曛羅洞
市南曲陌無秋涼楚腰衛髻四時芳玉喉窸窸排空光
牽雲曳雪留陸郎

李夫人

紫皇宮殿重重開夫人飛入瓊瑤臺綠香繡帳何時歇

青雲無光宮水咽
翩聯桂花墮秋月
孤鸞驚啼商絃發
紅壁闌珊懸珮璫
歌臺小妓遙相望
玉蟾滴水鷄人唱
露華蘭葉參差光

金銅仙人辭漢歌

茂陵劉郎秋風客
夜聞馬嘶曉無跡
畫欄桂樹懸秋香
三十六宮土花碧
魏官牽車指千里
東關酸風射眸子
空將漢月出宮門
憶君清淚如鉛水
衰闌送客咸陽道
天若有情天亦老
攜盤獨出月荒涼
渭城已遠波聲小

老夫採玉歌

採玉採玉湏水碧琢作步搖徒好色老夫飢寒龍為愁
藍溪水氣無清白夜雨岡頭食蓰子杜鵑口血老夫淚
藍溪之水厭生人身死千年恨溪水斜山栢風雨如嘯
泉脚挂繩青裊裊村寒白屋念嬌嬰古臺石磴懸腸草

湖中曲

長眉越沙採蘭若桂葉水蕙春漠漠橫船醉眠白晝閒
渡口梅風歌扇薄燕釵玉股照青渠越王嬌郎小字書

蜀紙封中報雲鬢晚漏壺中水淋盡

公莫舞歌

方花古礎排九楹刺豹淋血盛銀鬕華筵鼓吹無桐竹
長刀直立割鳴箏橫楣簾錦生紅緯日炙錦鳩王未醉
腰下三看寶玦光項莊掉箭欄前起材官小臣公莫舞
座上真人赤龍子芒碭雲瑞抱天迴咸陽王氣清如水

夜坐吟

踏踏馬蹄誰見過眼看北斗直天河西風羅幕生翠波

鉛華笈妾顰青娥為君起笑長相思簾外嚴霜皆側飛
明星爛爛東方陸紅霞梢出東南涯陸郎去矣乘斑騅
江南弄

江中綠霧起涼波天上疊嶽紅嵯峨水風浦雲生老竹
渚暝蒲帆如一幅鱸魚千頭酒百斛酒中倒臥南山綠
吳歛越吟未終曲江上團團帖寒玉

神絃別曲

巫山小女隔雲別春風松花山上發綠葢獨穿香徑歸

白馬花竿前子子蜀江風澹水如羅墮蘭誰泛相經過
南山桂樹為君死雲衫淺污紅脂花

溪晚涼

白狐向月號山風秋寒掃雲留碧空玉煙青濕白如幢
銀灣曉轉流天東溪汀眠鷺夢征鴻輕連不語細游溶
層岫迴岑複疊龍苦篁對客吟歌筒

官街鼓

曉聲隆隆催轉日暮聲隆隆呼月出漢城黃柳映新簾

栢陵飛燕埋香骨
礎發千年日長白
漢武秦王聽不得
從君翠髮蘆花色
獨共南山守中國
幾回天上葬神仙
漏聲相將無斷續

春懷引

芳溪密影成花洞
柳結濃煙花帶重
蟾蜍碾玉挂明弓
捍撥裝金打仙鳳
寶枕垂雲選春夢
鈿合碧寒龍腦凍
阿侯繫錦覓周郎
憑仗東風好相送

有所思

去年陌上歌離曲今日君書遠遊蜀
簾外花開二月風
臺前淚滴千行竹
琴心與妾腸
此夜斷還續
想君白馬
懸雕弓
世間何處無春風
君心未肯鎮如石
妾顏不久
如花紅
夜殘高碧橫
長河河上無梁空
白波西風未起
悲龍梭
年年織素攢雙蛾
江山迢遞無休絕
淚眼看燈
乍明滅
自從孤館深鎖
牕桂花幾度圓
還缺鴉向曉
鳴森木
風過池塘響
叢玉白日蕭條夢不成
橋南更問
仙人卜

崑崙使者

崑崙使者無消息
茂陵煙樹生愁色
金盤玉露自淋漓
元氣茫茫收不得
麒麟背上石文裂
虹龍鱗下紅肢折
何處偏傷萬國心
中天夜久高明月

七夕

別浦今朝暗羅帷
午夜愁鵲辭穿線
月花入曝衣樓天
上分金鏡人間望
玉鈎錢塘蘇小小
更值一年秋

過華清宮

春月夜啼鴉宮簾隔御花雲生朱絡暗石斷紫錢斜玉
椀盛殘露銀燈點舊紗蜀王無近信泉上有芹芽

釣魚詩

秋水釣紅藥仙人待素書菱絲縈獨繭菰米蟄雙魚斜
竹垂清沼長綸貫碧虛餌懸春蜥蜴鉤垂小蟾蜍詹子
情無限龍陽恨有餘為看煙浦上楚女淚沾裾

代崔家送客

行蓋柳煙下馬蹄白翩翩恐隨送盡處何忍重揚鞭

京城

馳馬出門意牢落長安心兩事誰向道自作秋風吟

酬答二首

金魚公子夾衫長密裝腰鞵割玉方行處春風隨馬尾
柳花偏打內家香

雍州二月梅池春御水鵲鵲暖白蘋試問酒旗歌板地
今朝誰是拗花人

南園

花枝草蔓眼中開
小白長紅越女腮
可憐日暮嬌香落
嫁與春風不用媒

邊讓今朝憶蔡邕
無心裁曲臥春風
舍南有竹堪書字
老去溪頭作釣翁

三月過行宮

渠水紅繁擁御牆
風嬌小葉學蛾妝
垂簾幾度青春老
堪鎖千年白日長

盧仝

號玉川子
洛陽人

自君之出矣

自君之出矣壁上蜘蛛織近取見妾心
夜夜無休息妾有雙玉環寄君表相憶
環是妾之心玉是君之德馳情增悴容
相思損精力玉簫寒悽悽延想心惻惻
風含霜月明水泛碧天色此水有盡時
此情無終極

月下寄徐希仁

夜半沙上行月瑩天心明沙月浩無際
此中離思生上天何寥廓下地何崢嶸
吾道豈已矣為君傾兕觥

樓上女兒曲

誰家女兒樓上頭指揮婢子掛簾鉤
林花撩亂心之愁
卷却羅袖彈箏篴歷亂五六絃
羅袖掩面啼向天相思
絃斷情不斷落花紛紛心欲穿
心欲穿憑欄干相憶柳
條綠相思錦帳寒直緣感君恩愛
一迴顧使我雙淚長
珊珊我有嬌靨待君笑
我有嬌娥待君掃
鶯花爛熳君
不來及至君來花已老
心腸寸斷誰得知
玉階羅屐歷
生青草

贈徐希仁石硯別

靈山一片不靈石手斲成器心所惜鳳鳥不至池不成
蛟龍乾蟠水空滴青松火鍊翠煙凝寒竹風搖遠天碧
今日贈君離別心此中至淺造化深用之可以過珪璧
棄直還為一片石

有所思

當時我醉美人家美人顏色嬌如花今日美人棄我去
青樓珠箔天之涯娟娟姮娥月三五盈又缺翠眉蟬鬢

生別離一望不見心斷絕心斷絕幾千里夢中醉臥巫
山雲覺來淚滴湘江水湘江兩岸花木深美人不見愁
人心含愁更奏綠綺琴調高絃絕無知音美人兮美人
不知為暮雨兮為朝雲相思一夜梅花發忽到牕前疑
是君

將歸山招水僧

買得一片田濟源花洞前千里石壁圻一泓流泌泉青
松盤樛枝森森上挿青冥天枝上有啼猿宿處近鶴巢

清淚孤吟聲相交月輪下射空洞響絲篴成韻風蕭蕭
我心塵外心愛此塵外物欲結塵外友苦無塵外骨與
君塵外交占此松與月

自詠

物外無知已人間一癖王生涯身是夢耽樂酒為鄉日
月黏髭鬢雲山鎖肺腸愚公只公是不用謾驚張

送邵兵曹歸江南

春風楊柳陌連騎醉離觴千里遠山碧一行歸路長花

開愁北渚雲去渡南湘東望濛濛處煙波是故鄉

感秋別怨

霜秋自斷魂楚調怨離分魄散瑤臺月心隨巫峽雲蛾
眉誰共畫鳳曲不同聞莫似湘妃淚斑斑點翠裙

新蟬

泉溜潛幽咽琴鳴乍往還長風剪不斷還在樹枝間

守歲


老來經節臘樂事甚悠悠不及兒童日都盧豈解愁

題褚遂良孫庭竹

負霜停雪舊根枝
龍笙鳳管君莫截
春風一番琴上來
搖碎金樽碧天月

喜逢鄭三遊山

相逢之處花草茸
茸石壁攢峰千萬重
他日期君何處好
寒流石上一株松



石倉歷代詩選卷七十一

欽定四庫全書

集部

石倉歷代詩選卷七十二

詳校官庶吉士臣范逢恩

侍讀臣孫球覆勘

總校官進士臣朱

銓

校對官中書臣高

中

騰錄監生臣王

耘

欽定四庫全書

石倉歷代詩選卷七十二

明 曹學佺 編

中唐二十六

賈島

字浪仙
范陽人

古意

碌碌復碌碌
百年雙轉轂
志士終夜心
良馬白日足
俱為不等閒
誰是知音目
眼中兩行淚
曾吊三獻玉

望山

南山三十里不見踰一旬冒雨時立望望之如朋親虬
龍一掬波洗蕩千萬春日雨不斷愁殺望山人

哭盧仝

賢人無官死不親者亦悲空令古鬼哭更得新鄰比平
生四十年惟著白布衣天子未辟名地府誰來追長安
有交友託孤心遽移塚側誌石短文字行參差無錢買
松栽自生蒿草枝在日贈我文淚流把書時從茲加敬

重深藏恐失遺

寄遠

別腸多鬱紆豈能肥肌膚始知相結密不及相結踈踈
別恨應少密離恨難祛門前南流水中有比飛魚魚飛
向北海可以寄遠書不惜寄遠書故人今在無

感秋

商氣颯已來歲華又虛擲朝雲藏奇峰暮雨灑踈滴幾
蛩嘿涼葉數蛩思陰壁落日空館中歸心遠山碧昔人

多秋感今人何異昔四序馳百年玄髮坐成白喧喧狗
聲利擾擾同轍跡倘無世上懷去偃松下石

辭二知己

一雙千歲鶴立別孤翔鴻波島忽已暮海雨寒濛濛離
人聞美彈亦與哀彈同況茲切切弄繞彼行行躬雲飛
北嶽碧火息西山紅何以代遠誠折芳臘雪中

易水懷古

荆卿重虛歿節烈書前史我嘆方寸心那論一時事至

今易水橋寒風分蕭蕭易水流不盡荆卿名不消

客喜

客喜非實喜客悲非實悲百迴信到家未當身一歸未
歸長嗟愁嗟愁填中懷開口吐愁聲還却入耳來長恐
滴淚多自損兩目輝鬢邊雖有絲不堪織寒衣

延壽里精舍寓居

旅記避華館荒樓遂客慵短庭無繁植珍果春亦濃側
廬發扁樞纖魄時臥逢耳目乃鄧井肺肝即巖峰汲泉

飲酌餘見我閒靜容霜蹊猶舒英寒蝶斷來踪雙履與
誰逐一尋青瘦筇

酬栖上人

夜久城館閒情幽出此山新月有微輝朗朗空庭間處
世雖識機伊余多掩關松姿度臘見籬藥知春還靜覽
冰雪詞厚為酬贈願東林有躑躅脫屣期共攀

冬月長安雨中見終南山

秋節新已盡雨疎露山雪西峰稍覺明殘滴猶未絕氣

侵瀑布衣凍著白雲穴今朝瀟涯雁何夕瀟湘月想彼
石房人對雪扉不閉

和劉涵

京宮始云滿野人依舊閒閉扉一畝居中有古風還市
井日已午幽牕夢南山喬木覆北齋有鳥鳴其間前日
遠嶽僧來時與開闢新題驚我瘦窺鏡見醜顏陶情惜
清澹此意復誰攀

寄劉栖楚

趨走與偃臥去就自殊分
當牕一重樹上有萬里雲
離披不相顧
髣髴類人羣
友生去更遠
來書絕如焚
蟬吟我為聽
我歌蟬豈聞
歲暮儻旋歸
晤言桂氛氲

答王參

寸晷不相待
四時互如競
客思先覺秋
蟲聲苦知暝
霜松積舊翠
露月團如鏡
詩負屬景同
琴孤坐堂聽
相期黃菊節
別約紅桃徑
每把式微篇
臨風一長咏

劉景陽東齋

松陰連竹影中有無苔井清風此地多白日空自永景
陽公幹孫詩句得真景勸我不須歸月出東齋靜

題皇甫荀監田廳

任官經一年縣與玉峰連竹籠拾山果瓦瓶擔石泉客
歸秋雨後印鎖暮鐘前久別丹陽浦時時夢釣船

山中道士

頭髮梳千行休糧帶瘦容養雛成大鶴種子作高松白
石通宵煮寒泉盡日春不曾離隱處那得世人逢

哭柏巖禪師

苔覆石牀新師曾占幾春
寫留行道影焚却坐禪身
塔院闌松雪經房鎖隙塵
自嫌雙淚下不是解空人

就可松宿

十里尋幽寺寒流數派分
僧同雪夜坐雁向草堂聞
靜語終燈焰餘生許嶠雲
由來多抱疾聲不達明君

旅遊

此心非一事書札若為傳
舊國別多日故人無少年空

巢霜葉落踈牖水螢穿留得林僧宿中宵坐默然

送鄒明府遊靈武

曾宰西畿縣三年馬不肥債多平劔與官滿載書歸邊
雪藏行徑林風透臥衣靈州聽曉角客館未開扉

下第

下第只空囊如何住帝鄉杏林啼百舌誰醉在花傍淚
落故山遠病來春草長知音逢豈易孤棹負三湘

憶吳處士

半夜長安雨燈前越客吟孤舟行一月萬水與千岑島嶼夏雲起汀洲芳草深何當折松葉拂石剡溪陰

送崔定

未知遊子意何不避炎蒸幾日到漢水新蟬鳴杜陵秋江待得月夜語恨無僧巴峽吟過否連天十二層

雨後宿劉司馬池上

藍溪秋漱玉此地漲清澄蘆葦聲兼雨芰荷香遶燈岬頭秦古道亭面漢荒陵靜想泉根遠幽崖落幾層

送無可上人

圭峰霽色新送此草堂人
麈尾同離寺蛩鳴暫別親
獨行潭底影數息樹邊身
終有煙霞約天台作近鄰

送李騎曹

歸騎雙旌遠懽生此別中
入關分磧路嘶馬背寒鴻
朔色暗天北河源落日東
賀蘭山頂草時動卷帆風

寄無可上人

僻寺多高樹涼天憶重遊
磬過溝水盡月入草堂秋
穴

蟻苔痕靜藏蟬栢葉稠名山思徧徃早晚到嵩丘

南池

蕭條微雨絕荒岬抱清源入舫山連塞分泉稻接村秋
聲依樹色月影在蒲根淹泊方難遂他宵闌夢魂

寄龍池寺貞空二上人

受請終南住俱妨去石橋林中秋信絕峰頂夜禪遙寒
草煙藏虎高松月映鷗霜天期到寺寺置即前朝

送貞空二上人

林下中餐後天涯欲去時
衡陽過有伴夢澤出應遲
石磬踈寒韻銅瓶結夜澌
殷勤訝此別且未定歸期

弔孟協律

才行古人齊生前品位低
葬時貧賣馬遠日哭惟妻孤
塚北邙外空齋中嶽西
集詩應百首物象徧曾題

送人適越

高城滿夕陽何事欲霑裳
遷客蓬蒿暮遊人道路長
晴湖勝鏡碧寒柳似金黃
若有相思夢殷勤載八行

送僧遊衡嶽

心知衡嶽路不怕去人稀
船裏猶鳴磬溪頭自曝衣
有家從少別無寺不言歸
料得逢寒住當禪雪滿扉

洛陽道中寄弟

趨走迫流年慚絕此路偏
密雲埋二室積雪度三川
生類梗萍泛悲無金石堅
翻鴻有歸翼極目仰睽翩

送天台僧

遠夢歸華頂扁舟背岳陽
寒蔬修淨食夜浪動禪牀
雁

過孤峰曉猿啼一樹霜身心無別念餘習在詩章

懷紫閣隱者

寂寥思隱者孤燭坐秋霖梨栗猿喜熟雲山僧說深寄
書應不到結伴擬同尋廢寢方終夕迢迢紫閣心

雨夜同厲玄懷皇甫荀

桐竹遶庭匝雨多風更吹還如舊山夜臥聽瀑泉時磧
雁來期近秋鐘到夢遲溝西吟苦客中夕話兼思

題李凝幽居

閒居少鄰竝草徑入荒園鳥宿池邊樹僧敲月下門過
橋分野色移石動雲根暫去還來此幽期不負言

寄董武

雖同一城裏少省得從容門掩園林僻日高中幘慵孤
鴻來半夜積雪在諸峰正憶毘陵客聲聲隔水鐘

僻居無可上人相訪

自從居此地少有事相關積雨荒鄰圃秋池照遠山硯
中枯葉落枕上斷雲閒野客將禪子依依徧往還

送李餘及弟歸蜀

知音伸久屈，覲省去光輝。
津渡逢清夜，途程盡翠微。
雲當綿竹疊，鳥離錦江飛。
宵寄書來否，原居出亦稀。

夜喜賀蘭三見訪

漏鐘仍夜淺，時節欲秋分。
泉聒棲松鶴，風除翳月雲。
踏苔行引興，枕石臥論文。
即此尋常靜，來多祇是君。

題青龍寺鏡公房

一夕曾留宿，終南搖落時。
孤燈岡舍掩，殘磬雪風吹。
樹

老因寒折泉深出井遲疎慵豈有事多失上方期

原東居喜唐溫琪頻至

曲江春草生紫閣雪分明汲井嘗泉味聽鐘問寺名墨
研秋日雨茶試老僧鐺地近勞頻訪無煩出送迎

送敬法師

度歲不相見嚴冬始出關孤煙寒色樹高雪夕陽山瀑
布寺應到牡丹房甚閒南朝遺跡在此去幾時還

寄錢庶子

曲江春水滿北岼掩柴關祇有僧鄰舍全無物映山樹
陰終日掃藥債隔年還猶記聽琴夜寒燈竹屋間

夏夜

原寺偏鄰近開門物景澄磬通多葉罅月離片雲稜寄
宿山中鳥相尋海畔僧惟愁秋色至乍可在炎蒸

送厲宗上人

擁策背岷峨終南雨雪和漱泉秋鶴至禪樹夜猿過高
頂白雲盡前山黃葉多曾吟廬嶽上月動九江波

贈無懷禪師

身從劫劫修果以此生周禪定石牀暖月移山樹秋捧
盂觀宿飯敲磬過清流不掩玄關路教人問白頭

早春題友人湖上新居

近得雲中路門長侵草開到時猶有雪行處已無苔勸
酒客初醉留茶僧未來每逢晴暖日惟見乞花栽

送雍陶入蜀

江山事若諳那肯滯雲南草色分危磴杉陰近古潭日

斜裛谷鳥夏淺雋州蠶吾自疑雙鬢相逢更不堪

寄顧非熊

知君歸有處山水亦難齊猶去瀟湘遠不聞猿狖啼穴
通茆嶺下潮滿石頭西獨立生遙思秋原日漸低

憶江上吳處士

閩國揚帆去蟾蜍虧復圓秋風吹渭水落葉滿長安此
地聚會夕當時雷雨寒蘭橈殊未返消息海雲端

送朱兵曹回越

星彩練中見澄江豈有泥潮生
垂釣罷楚盡去檣西磧
鳥辭沙至山鼉隔水啼會稽半
侵海濤白禹祠溪

宿池上

泉來從絕壑亭敞在中流竹密
無空岨松長可絆舟
蟪蛄潭上夜河漢島前秋異夕
期深漲攜琴却此遊

喜姚郎中自杭州迴

路多楓樹林累日泊清陰來去
泛流水脩然適此心
一披江上作三起月中吟東省
期司諫雲門悔不尋

題長江

言心俱好靜
解署落暉空
歸吏封宵鑰
行蛇入古桐
長江頻雨後
明月衆星中
若任遷人去
西溪與剡通

泥陽館

客愁何併起
暮送故人回
廢館秋螢出
空城寒雨來
夕陽飄白露
樹影掃青苔
獨坐離容慘
孤燈照不開

送友人遊蜀

萬岑深積翠
路向此中難
欲暮多羈思
因高莫遠看
卓

家人寂寞揚子業凋殘惟有岷江水悠悠帶月寒

送僧歸天台

辭秦經越過歸寺海西峰石澗雙流水山門九里松曾
聞清禁漏却聽赤城鐘妙宇研磨講應齊智者蹤

送譚遠上人

下視白雲時山房葢樹皮垂枝松落子側頂鶴聽棋清
淨從沙劫中終未日歌金光明本行同待出峨嵋

夜集田卿宅

朗詠高齋下如將古調彈
翻鴻向桂水來雪渡桑乾滴
滴玉漏曙脩脩松籟殘
曩年曾宿此偏值五陵寒

贈弘泉上人

洗足下藍嶺古師精
進同心知溪卉長居此
玉林空西殿宵燈磬東
林曙雨風舊峰鄰太白
石座雨苔濛

贈李金州

綺里祠前後山程踐
白雲泝流隨大旆登岬
見金軍曉角吹人夢
秋風卷雁羣霧開方
露日漢水底沙分

過楊道士居

先生修道處，茆屋遠囂氛。
叩齒坐明月，攬頤望白雲。
精神含藥色，衣服帶霞紋。
無話瀛洲路，多年別少君。

宿姚少府北齋

石溪同夜泛，復此北齋期。
鳥絕吏歸後，蛩鳴客臥時。
鏐鏐城涼雨，細開印曙鐘。
遲憶此漳川，岼如今是別離。

酬鄆縣李廓少府見寄

稍憐公事退，復遇夕陽時。
北朔霜凝竹，南山水入籬。
吟

懷滄海侶空問白雲師恨不相從去心惟野鶴知

長孫霞李溟自紫閣白閣二峰見訪

寂寞吾廬貧同來二閣人所論惟野事招作住雲鄰古
寺期秋宿平林散早春漱流今已矣巢許豈堯臣

重與曹彭兵曹

故人在城裏休寄海邊書漸去老不遠別來情豈踈硯
冰催臘日山雀到貧居每有平戎計官家別勅書

哭宗密禪師

鳥道雪岑巔師亡誰去禪几塵僧滅後樹色改生前層
塔當松吹殘蹤傍野泉惟嗟聽經虎時到壞菴邊

宿山寺

衆岫聳寒色精廬向北分流星透疎木走月逆行雲絕
頂人來少高松鶴不羣一僧年八十世事未曾聞

送友人如邊

去日重陽後前程菊正芳行車輟秋岳落葉墜寒霜雲
入漢天白風高磧色黃蒲輪待恐晚求薦向諸方

暮過山村

數里聞寒水山家少四鄰
怪禽啼曠野落日恐行人
初月未終夕邊烽不過秦
蕭條桑柘外煙火漸相親

蔣亭和蔡湘州

蔣宅為亭榭蔡城東郭門
潭連秦相井松老漢朝根
已積蒼苔徧何曾舊徑存
高齋無事後時復一攜樽

留別光州王使君建

杜陵千里外期在末秋歸
既見林花落須防木葉飛
楚

從何地盡淮隔數峰微回首餘霞失斜陽照客衣

哭張籍

精靈歸恍惚石磬韻曾聞
即日是前古誰人耕此墳
舊遊孤枕遠故域九江分
本欲蓬瀛去餐芝御白雲

寄宋州田中丞

右郡近南徐關河萬里餘
相思深夜後未答去秋書
自別知音少難忘識面初
舊山期已久門掩數畦蔬

王侍御南原莊

買得足雲地新栽藥數窠峰頭盤一逕原下注雙河春
寺閒眠久晴臺獨上多南齋宿雨後仍許重來過

寄白閣默公

已知歸白閣山遠晚晴看石室人心靜冰潭月影殘微
雲分片滅古木落新乾後夜誰聞磬西峰絕頂寒

送朱可久歸越中

石頭城下泊北固暝鐘初汀鷺潮衝起船窓月過虛吳
山侵越衆隋柳入唐初日欲供調膳辟來何府書

送覺興上人歸中條山兼謁河中李司空

又憶西巖寺秦原草長時山尋樵徑上人到雪房遲暮
磬潭泉凍荒林野燒移聞師新譯偈說擬對旌麾

哭孟郊

身死名聲在多應萬代傳寡妻無子息破宅帶林泉塚
近登山道詩隨過海船故人相吊後斜日下寒天

送耿處士

一杯離別酒未盡即言行萬水千山路孤舟幾月程川

原秋色靜蘆葦晚風鳴迢遞不歸客人傳虛隱名

送唐懷歸激水莊

毛女峰當戶日高頭未梳地侵山影掃葉帶露痕書松
逕僧尋藥沙泉鶴見魚一川風景好恨不有吾廬

原上秋居

關西又落木心事復如何歲月辭山久秋霖入夜多鳥
從井上出人自岳陽過倚杖聊閒望田家未剪禾

子規

遊魂自相叫寧復記前身飛過鄰家月聲連野路春夢
邊催曉急愁處送風頻自有霑花血相和雨滴聲

哭胡遇

天壽知齊理何曾免嘆嗟祭迴收朔雪吊後折寒花野
水吟秋斷空山影暮斜弟兄相識徧猶得到君家

送丹師歸闕中

波濤路杳然衰柳洛陽蟬行李經雷電禪衣漱島泉歸
林久別寺過越未離船自說從今去身應老海邊

送安南惟鑒法師

講經春殿裏花繞御牀飛南海幾迴過舊山臨老歸潮
搖蠻草落月濕島松微空水既如彼往來消息稀

新年

嗟以龍鍾身如何歲復新石門思隱久銅鏡強窺頻花
發新移樹心知故國春誰能平此恨豈是北宗人

寄山友長孫栖嶠

此時氣蕭颯琴院可應闌鶴似君無事風吹雨遍山松

生青石上泉落白雲間有徑蓮嵩頂心期相與還

酬厲玄

我來從北鄙子省陟西陵白髮初相識秋山擬共登鄰
居帝城雨會宿御溝冰未報見貽作耿然中夜興

送劉式洛中覲省

晴峰三十六待立上春臺同宿別離恨共看星月迴野
鶯臨苑語河棹歷江來便寄相思札緘封花下開

送宣皎上人遊太白

剝髮髻無雪去年三十三山過春草寺磬度落花潭得
句才憐約論宗意在南峰靈疑懶下蒼翠太虛叅

秋夜仰懷錢孟二人琴客會

月色四時好秋光吾子知南山昨夜雨為我寫清姿獨
鶴聳寒骨高杉韻細颼仙家縹緲弄髣髴此中期

病蟬

病蟬飛不得向我掌中行折翼猶能薄酸吟尚極清露
華凝在腹塵點誤侵晴寄語螳螂輩俱忘此日情

送友人遊塞

飄蓬多塞下君見亦潛然
迥磧沙街日長河水接天
夜泉行客火曉戍向京煙
少結相思恨佳期芳草前

思遊邊友人

凝愁對孤燭昨日飲離杯
葉下故人去天邊新雁來
連沙秋草薄帶雪暮山開
苑北紅塵道何時見遠迴

秋暮寄友人

寥落河關暮霜風樹葉低
遠天垂地外寒日下峰西
失

志煙霞切還家歲月迷清宵話白閣已負十年棲

雪晴晚望

倚杖望晴雪溪雲幾萬重樵人歸白屋寒日下危峰野
火燒岡草斷煙生石松却迴山寺路聞打暮天鐘

送惟一遊清涼寺

去有巡臺侶荒溪衆樹分瓶殘秦地水錫入晉山雲秋
月離喧見寒泉出定聞人間臨欲別旬日雨紛紛

皇甫王簿期遊山不赴

休官足馬在新意入山中更住應難遂前期恨不同集
蟬苔樹僻留客雨堂空深夜誰相訪惟當清淨翁

宿慈恩寺郁公房

病身來寄宿自掃一牀閒反照臨江磬新秋過雨山竹
陰移冷月荷氣帶禪關獨住天台意方從內請還

送褚山人歸日東

懸帆待秋色去入杳冥關滄海幾年別中華此日還岍
遙生白髮波盡露青山隔水相思在無書也是閒

夜雨寄馬戴

芳林杏花樹花落子西東
今夕曲江雨寒催朔北風
鄉書滄海絕隱路翠微通
寂寂相思際孤缸殘漏中

寄毘陵徹公

身依吳寺老黃葉幾迴看
早講林霜在孤禪隙月殘
井通潮浪遠鐘與角聲寒
已有南遊約誰言禮謁難

送韋瓊校書

賓佐兼歸覲此行江漢心
別離從闕下道路向山陰
孤

嶼消寒沫空城滴夜霖若耶溪畔寺秋色共誰尋

宿孤館

落日投村戍愁生為客途春山晴後綠江月夜來孤
櫓千株在漁家一半無自知風水靜舟繫岬邊蘆

咸京北原作

登原見城闕策蹇思炎天日午路中客槐花風處蟬遠
山秦木上清渭漢陵前何事居人世皆因名利牽

光州王建使君水亭

楚水臨軒積澄鮮一畝餘柳根連岬盡荷葉出萍初極
浦清相似禽幽到不虛夕陽亭際晚槐雨滴稀疎

靈準上人院

掩扉當太白臘數等松椿禁漏來遙夜山泉落近鄰經
聲終卷曉草色幾芽春海內知名士交遊準上人

寄宋州田中丞

古郊近南徐關河萬里餘相思深夜後未答去秋書自
別知音少難忘識面初舊山期已久門掩數畦蔬

夜集姚合宅期可公不至

公堂秋雨夜已是念園林何意別離日重論山水心孤
燈明臘後微雪下更深釋子年來約泉西寒磬音

寄賀蘭朋吉

徃徃東林下花香似火焚故園從少別夜雨近秋聞野
菜連寒水枯株簇古墳泛舟同遠客尋寺入幽雲暇日
扉多掩荒田徑細分相思蟬幾處偶坐蝶成羣會宿曾
論道登高省議文苦吟遙可想邊葉向紛紛

黃子陂上韓吏部

石樓云一別二十二三春相逐升堂者幾為埋骨人涕
流聞渡瘴病起喜還秦曾是令勤道非惟卹在迤踈衣
蕉縷細爽味茗芽新鐘絕滴殘雨螢多無近鄰溪潭承
到數位秩見辭頻若箇山招隱幾忘任此身

送韓湘

挂席從中路長風起廣津楚城花未發上苑蝶來新半
沒湖波月初生芳草春孤霞臨石鏡極浦映村神細響

吟乾葦餘馨動遠蘋欲憑將一札寄與沃州人

寄武功姚主簿

居枕江沱北情懸渭曲西數宵曾夢見幾處得書批
驛路穿荒坂公田帶淤泥靜棋功奧妙閒作韻清淒
鋤草留叢藥尋山上石梯客迴河水漲風起夕陽低
空第苔連井孤村火隔溪卷簾黃葉落鎖印子規啼
隴色澄秋月邊聲入戰輦會須過縣去況是屢招攜

題剡華書齋

白石牀無塵青松枿有鱗一鶯啼帶雨兩樹合從春荒
榭苔膠砌幽叢果墮榛偶來踈或數當暑夕勝晨露滴
新河水巢重古木薪終南同往意趙北獨遊身渡葉司
天漏驚蛩遠地人機清公幹族也莫臥漳濱

別徐明府

抱琴非本意生事偶相縈口尚袁安節身無子賤名地
寒春雪盛山淺夕嵐輕百戰餘荒楚千夫漸偶耕一盃
傾此夜孤客戀交情

再投李益常侍

何處初投刺當時赴尹京淹留花木變然諾肺腸傾避
暑蟬移樹登高雁過城人家嵩嶽色公府洛河聲聯句
逢秋盡嘗茶見月生新衣裁白紵思從曲江行

送南卓歸宗

殘春別鏡陂罷郡未霜髭行李逢炎暑山泉滿路岐雲
藏巢鶴樹風觸嘯鶯枝三省同虛位雙旌帶去思入城
宵夢後待漏月沉時長策并中告從容寫玉墀

送羅少府歸牛渚

作尉長安始三日忽思牛渚夢天台楚山遠色獨歸去
潮水空流相送回霜覆鶴身松子落月分螢影石房開
白雲多處應頻到寒澗泠泠漱古苔

賀龐少尹除太常少卿

太白山前終日見十旬假滿擬秋尋中峰絕頂非無路
北闕除書阻入林朝謁此時閒野屐宿齋何處止鳴砧
省中石磴陪隨步惟賞煙霞不厭深

上邠寧邢司徒

箭頭破帖渾無敵杖底敲毬遠有聲馬走千蹄朝萬乘
地分三郡擁雙旌春風欲盡山花發曉角初吹客夢驚
不是刑公來鎮此長安西北未能行

田將軍書院

滿庭花木半新栽石上平湖遠岼來笋迸鄰家還長竹
地經山雨幾層苔井當深夜泉微上閣入高秋戶盡開
行背曲江誰到此琴書鎖著未朝迴

寄韓潮州愈

此心曾與木蘭舟直到天南潮水頭
隔嶺夢魂來華岳出關書信過瀧流
峰懸驛路殘雲斷海浸城根老樹秋
一夕瘴煙風卷盡月初上浪西樓

酬張籍王建

疎林荒宅古坡前久住還因太守憐
漸老更思深隱處多閒數得上方眠
鼠拋貧屋收田日雁度寒江擬雪天
身是龍鍾應有分水曹云閣枉來篇

投龐少尹

閉戶息機搔白首中庭一樹有清陰
年年不改風塵趣日日轉多泉石心
病起望山臺上立覺來聽雨燭前吟
龐公相識元和歲春分依依直至今

送饒州張使君

終南雲雨連城闕去路西江白浪頭
滁上郡齋離昨日鄱陽農事勸今秋
道心生向前朝寺文思來過靜夜樓
借問泊帆干謁者誰人曾聽峽猿愁

送劉侍御重使江西

當時苦熱遠行人石壁飛泉濺馬身人到鐘陵知霧大
槎浮湓浦屬秋新早程猿叫雲深極宿館禽驚葉動頻
前者已聞廉使薦兼言有畫靜邊塵

早秋寄題天竺靈隱寺

峰前峰後寺新秋絕頂高牕見沃州人在定中間蟋蟀
鶴從棲處挂獼猴山鐘夜渡空江水江月寒生古石樓
心憶懸帆身未遂謝公茲地昔年遊

題號州三堂吳郎中

無窮草樹昔誰栽
新起臨湖白石臺
半岫泥沙孤鶴立
三堂風雨四門開
荷翻圓露驚秋近
柳轉斜陽過水來
昨夜北樓堪朗詠
號城初鎖月徘徊

送周判官元範赴越

原下相逢便別離
蟬鳴關路使迴時
過淮漸有懸帆興
到越應將墜葉期
城上秋山生菊早
驛西寒渡落潮遲
已曾幾徧隨旌旆
去謁荒郊大禹祠

劍客

十年磨一劍霜刃未曾試今日把似君誰有不平事

口號

中夜忽自起汲此百尺泉林木含白露星斗在青天

宿懸泉驛

曉行瀝水樓暮到懸泉驛林月值雲遮山燈照愁寂

送別

丈夫未得意行行且低眉素琴彈復彈會有知音知

上谷送客遊江湖

莫嘆迢遞分何殊咫尺別江樓到夜燈還見南臺月

對菊

九日不出門十日見黃菊灼灼尚繁英美人無消息

寄令狐相公

策杖馳山驛逢人問梓州長江那可到行客更生愁

昆明池泛舟

一枝青竹榜泛泛綠萍裏不見釣魚人漸入秋塘水

夜坐

蟋蟀漸多秋不淺
蟾蜍已沒夜應深
三更兩鬢幾枝雪
一念雙峰四祖心

夏夜上谷宿開元寺

詩成一夜月中題
便臥松風到曙鷄
帶月時聞山鳥語
郡城知近武陵溪

友人婚楊氏催妝

不知今夕是何夕
催促陽臺近鏡臺
誰道芙蓉水中種

青銅鏡裏一枝開

和韓吏部泛南溪

溪裏晚從池岼出石泉秋急夜深聞木蘭船共山人語
月映渡頭零落雲

酬姚合

黍穗豆苗侵古道晴原午後早秋時故人相憶僧來說
楊柳無風蟬滿枝

送靈應上人

遍叅尊宿遊方久名嶽竒峰問此公
五月半間看瀑布
青城山裏白雲中

渡桑乾

客舍并州已十霜
歸心日夜憶咸陽
無端更渡桑乾水
却望并州是故鄉

夜期嘯客不至

逸人期宿石牀中
遣我開扉對晚空
不知何處嘯秋月
閒閉松門一夜風

夏夜登南樓

水岼寒樓帶月躋
夏林初見岳陽溪
一點新螢報秋信
不知何處是菩提

題青龍寺

碣石山人出岫詩
終南山北數人知
擬看青龍寺裏月
待無一點夜雲時

三月晦日贈劉評事

三月正當三十日
風光別我苦吟身
共君今夜不須睡

未到曉鐘猶是春

送張道者

新歲抱琴何處去
洛陽三十六峰西
生來未識山人面
不得一聽烏夜啼

宿村家亭子

牀頭枕是溪中石
井底泉過竹下池
宿客未眠過夜半
獨聞山雨到來時

送稱上人

歸蜀擬從巫峽過何時得入舊房禪寺中來後誰身化
起塔栽松向野田

經蘇秦墓

沙埋古篆折碑文六國興亡事計君今日淒涼無處說
亂山秋盡有寒雲

題隱者居

雖有柴門長不關片雲枯木伴身閒猶嫌住久人知處
早擬移家更上山

鹽池縣觀鹿

條峰五老勢相連
此鹿來從若箇邊
別有野麋人不見
一生長飲白雲泉

送僧

池上時時松雪落
焚香煙起見孤燈
靜夜憶誰來對坐
曲江南岫寺中僧

過京索先生墳

京索先生三尺墳
秋風漠漠吐寒雲
從來有限君多哭

今日何人更哭君

尋石甕寺上房

野寺入時春雪後崎嶇得到此房前老僧不出迎朝客
已住上方三十年

送別

門外便伸千里別無車不得到河梁高樓直上百餘尺
今日為君南望長

沈亞之

字下賢
吳興人

村居

無樹東宿鳥無酒共客醉
月上蟬韻殘梧桐陰繞地
獨出村舍門吟劇微風起
蕭蕭蘆荻叢叶嘯如山鬼
應緣我憔悴為我哭秋思

虎丘山真娘墓

金釵淪劒壑茲地似花臺
油壁何人值錢塘度曲哀
翠餘長染柳香重欲薰梅
但道行雲去應隨蝶夢來

荅殷克藩贈罷涇原記室

勞君輟雅話聽說事疆場捉筆從征虜飛書始伏菴河
流辭馬嶺節臥聽龍驤孤負平生劍空令射斗光

別龐子肅

自為應仙才丹砂幾煉迴山秋夢桂樹月曉憶瑤臺雨
雪依岩別煙雲逐步開今朝龍仗去早晚鶴書來

宿白馬津寄寇立

客騎聽蛩嗟秋懷似亂沙劍頭懸日影龜鼻落燈花天
外歸鴻斷漳南別路賒聞君同旅舍幾得夢還家

送文穎上人遊天台

露花浮翠尾鮮思起芳叢此際斷客夢況復別志公既
歷天台去言過赤城東莫說人間事崎嶇塵土中

宿後自華陽行次昭應寄王直方

重歸能幾日物意早知春暖色鮮驪岫寒聲別雁羣川
光如戲劒帆態似翔雲為報東國蝶南枝日已曛

曲江亭望慈恩杏花發

曲臺晴好望近接梵王家十畝開金地千株發杏花帶

雲猶誤雪映日欲欺霞紫陌傳香遠紅泉落影斜園中
春尚早亭上路非賒芳景偏堪賞其餘積歲華

五月六日發石頭城步望前船示舍弟兼寄侯郎
客子去淮陽逶迤別路長水關開夜鎖霧棹起晨涼煙
月期同賞風波忽異行隱山曾撼櫓轉瀨指遙檣蒲葉
并刀綠筠筒楚粽香因書報司遠為我憶檀郎

春色滿皇州

何處春暉好偏宜在雍州花明夾城道柳暗曲江頭風

軟遊絲重光融瑞氣浮闌雞怜短草乳燕傍高樓繡轂
盈香陌新泉溢御溝迴看日欲暮還騎似川流

汴州船行賦岼旁所見張秀才

古木晚蒼蒼秋林拂岼香露珠蟲網細金縷兔絲長秋
浪時迴沫驚鱗乍觸航蓬煙拈綠線棘實綴紅囊亂穗
搖鼯鼠相根掛鳳腸聊持一濯足誰道比滄浪

西蕃請謁廟

肅肅層城裏巍巍祖廟清聖恩覃布濩異域獻精神冠

蓋分行列戎夷辨姓名禮終齊百拜心潔表忠貞瑞氣
千重色簫韶九奏聲仗移迎日轉旌動逐風輕休運威
儀正年推俎豆盈不才慚聖澤空此望華纓

勤政樓下觀百官獻壽

御氣黃花節臨軒紫陌頭早暘生綵仗霽色入仙樓獻
壽皆鵷鷺瞻天在冕旒菊樽開九日鳳歷起千秋樂奏
祥煙起盃酣瑞影收年年歌舞夕此地慶皇休

山出雲

片雲朝出岫孤色迥難親
葢小辭山早根輕觸石新飄
揚經綠野明麗照青春
柳樹疑舒葉臨江似結鱗
從龍方有感捧日宣無因
看助為霖去思沾雨露均

題海榴樹呈八叔大人

曾在蓬壺伴衆仙
文章枝葉五雲邊
幾時奉宴瑤臺下
何日移榮玉砌前
染日裁霞深雨露
凌寒送暖占風煙
應笑強如河畔柳
逢波逐浪送張騫

春詞酬元微之

黃鳥啼時春日高
紅芳發盡井邊桃
美人手煖裁衣易
片片輕花落剪刀

題候仙亭

新剏仙亭覆石壇
雕梁峻宇入雲端
嶺北嘯猿高枕聽
湖南山色捲簾看

送龐子淵

三年遊宦也迷津
馬困長安九陌塵
都作無成不歸去
古來妻嫂笑蘇秦

石倉歷代詩選卷七十二